

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第二輯
沈雲龍主編

張潛園書廣雅相國奏議

許同莘編

文藻出版社有限公司印行

WT 228 / 030 /

張潛園書廣雅相國奏議 附函電

W/M/S/6/30/

張潛園書
廣雅相國
奏議

附函電

家槐題



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



張望此觀察像



壬戌十一月繪成

張望此先生像贊

壺公賓僚或官或儒潛園儒

者而隨走趨其言响之安能面

諛聞然有守亦不闕迂滔天之

亂楚氛塞塗子固猶潔恥為



賊驢銜憤自沈下從左從信子
能死視人有殊久不相見流言
難証壺公已矣僮子知吾

庚亥孟夏孝眷敬書



吾鄉以書名者響泉顧先生後莫得一指屈難乎尚矣夫書藝事也然不沈酣經史百家寢饋金石汎濫旁礴於籀斯篆隸之間涵濡其質而蘊其氣以漸漬于古則不足以言書不然則忠孝義烈之士得天獨厚餘事爲書如岳忠武楊忠愍黃忠端倪文正諸公其書河嶽竝壽生氣凜凜然千載下低徊贊嘆得片紙寶逾球璧又不以書論潛園張先生少負經世之略游心六藝好書而特工出入大令坡谷間駸駸登古人堂奧以諸生參張文襄幕府江漢間譽望藉藉至孝過人忠義奮發雖收藏前人書畫必執此爲衡卒之辛亥之變投水以殉此其節概固有遠過人者先生旣歿之十有一年其甥許孝廉溯伊謀所以不朽者饌箸經亂喪失不可得可得者惟書書之大且精者又不可以梓梓其所寫文襄奏議函電十數通亦僅矣然其書之工固彰彰在人耳目余恐見者徒以其工也而書家稱之則先生之量隘矣嗚呼如先生者

其黃忠端倪文正之倫豈沾沾焉工書是尚吾知必有低徊
贊嘆謂顧先生後不欲爲先生一指屈不得也楫從先生游
有年知之審孝廉又囑一言發其端雖不文曷敢以辭蓋不
敢誣先生九京也同里晚學鄧楫謹譔

張潛園先生事實

同鄉官呈清史館文

前內閣制誥局局長楊壽樞前湖北候補道孫泰圻前河南候補道林志熙前廣西柳州府知府楊道霖前財政次長楊壽棟審計院副院長許士熊交通部僉事尤桐浙江寧波警察廳秘書鄧楫呈爲呈請事竊維舍生取義烈士之本心表微闡幽國家之盛典自昔新邦渙號必訪遺民太史韜軒務光潛德蓋將以維持名教綱紀人倫匪獨彰勁草於疾風思雞鳴於晦雨已也共和肇興國體改建迹雖同於遞嬗事實異於疇曩故賢士大夫效命之義無聞而艱貞之志不顯然而孤芳獨抱香草行吟海澨山陬往往而有至其烈者忘身徇義視死如歸蹈水火而不辭等妻孥於敝屣以壽樞等所知則前清湖北知府同里無錫張曾疇殆其人矣曾疇始以諸生參故大學士湖廣總督張之洞幕府爲人精敏強記恬

靜寡營張督部雅重其才深加倚任先後從事十有七年處大府切近之地而持守方嚴避遠權勢人以為難積資至湖北候補知府辛亥軍興曾疇適在漢口總辦鐵路貨捐局其時總督瑞澂棄城夜遁泊舟江心武昌司局各庫盡為民軍所有瑞澂供給所需一取資於貨捐局曾疇悉索以應局當車站之衝為礮火所必及或勸徙避曾疇不聽既而官軍大至與民軍戰火及捐局員司星散曾疇不得已避入租界展轉至上海事定回漢口將料檢局中未了事而民軍邏者蹤迹之曾疇復行邏者踵其後逼令還漢慷慨許諾至黃石港易舟西上款邏者以酒食乘其不備投江而死時前大總統黎公方任湖北都督聞其死事喟然太息謂人才難得方思延攬以資贊助而不虞其以一死明心迹也論者謂張督部以文章氣節陶鑄羣倫門生故吏幾半天下迨夫天地晦冥而光沉響寂若曾疇之終始不渝從容絕命蓋未之或聞且

曾疇職司權貨非有守土之責則可以不死卽以職守論帑項撥解無可監守商運絕迹無可稽徵非有疎失之罪曠廢之咎則可以不死又武昌當道素所稔識往且見用卽不用亦必不受辱則亦可以不死而乃甯爲玉碎不爲瓦全甯捐性命於洪濤巨浪之中不覩面目於廣廈細旃之上此則禍福無動於心生死不易其志蓋其學力所造有卓然不可及者夫效忠之道不必一途但使爲國家風教所關卽合於史氏勸懲之義如曾疇之含貞履道志節皦然求之近世實所罕覯雖其死事已在後時而致命遂志要無可議謂宜列入清史忠義傳或附張之洞傳末庶彰幽隱且勵方來昔明史忠義傳蒐采死義之人及於山農野老乾隆間錄明代殉節諸臣錫以通證至一千四百餘人往軌匪遙可爲前例曾疇行事吳縣汪鳳藻及其甥無錫許同莘先後爲紀事之文敘述詳盡謹繕冊附呈伏維采擇舊聞未墜皆爲草野之公言

大節能傳豈獨鄉閭之私願謹呈

張望岷先生辛亥殉國記

吾友張君望岷爲人和平樂易外無崖岸內無城府坦然一率其真而持守之正懍懍乎不可干以私視夫論篤色莊者未可同日語矣光緒庚子夏余始參大學士湖廣總督南皮張文襄公幕與君共事垂六七年君職視祕書最爲文襄所信重而奉職之勤治事之敏守口之慎律身之嚴同人咸推敬焉辛亥武昌變起君時筦漢口鐵路貨捐局樞務所收緝雖悉數解送總督瑞澂所駐兵艦烽火日偪鐵路商貨不復運輸君不得已乃離局暫避上海以待時平是年冬武漢間戰事息君再赴漢口擬料檢局中未了事值民軍邏者蹤跡之君有所覺因附商輪返滬不虞邏者之潛踵其後也甫至黃州邏者遽出偪君還赴漢君慷慨許之相與易他輪上駛時方深夜款邏者以酒食乘其不備躍入大江死焉時武昌

都督爲君所素稔卽往必不死君而君意以爲一辱民軍之手卽倖免於死大恥終不可洗大節終不能完母甯一死以殉國求得其心之所安而他無所恤嗚呼可謂能殺身成仁者矣君素乏儲蓄妻孥方流寓海上子幼又未成立使其時少有所瞻顧而躊躇焉將有不免於奪其志者古今來士大夫之臨難苟免屈節求生者孰非此一念之私滌洄不斷有以誤其平生哉君獨毅然內斷於心不降其志不辱其身見危投命蹈義如歸斯誠足以廉頑而立懦矣君平生行誼備詳君甥許孝廉同莘所撰事略中不具書獨揭君守道不渝完忠不屈之本心以告天下後世儻亦編史者所當甄采而表彰之者歟吳縣汪鳳瀛撰

清故二品頂戴補用道湖北候補知府無錫張君墓表

壬戌秋九月無錫許君溯伊手其舅氏張君殉難事狀乞表其墓按狀君諱曾疇生七日而失母故字曰望祀世爲無錫

人少好學工書由諸生入湖廣總督南皮張文襄幕勤於其職廉介不苟文襄始終倚任之由縣丞厯保知府捐道員加花翎二品頂戴宣統二年辛亥八月十九日武昌革命事起總督瑞澂棄省城匿兵艦中時君方辦漢口火車捐局瑞澂索供應局存款爲罄局當車站衝礮火橫集員司星散君念守空局無益輾轉達上海居二月復返漢口料簡局中未了事爲民軍所偵復圖東返抵黃石港邏者脅還漢易舟西上乘不備投江死時十一月初六日也遺骸爲黃州團風鎮民所瘞乙卯十二月歸葬邑之開原鄉朔伊狀君生平具詳要者如此予嘗見錄辛亥殉難者數家而君名缺焉未知旨云何也朔伊誠篤聞於時痛舅氏死難而汲汲焉圖所以表章之名節所在義無假借是則君於天圯地崩之日以一死完大節無可議也予嘗歎文襄竭國家之力練新軍所求執干戈衛社稷者身歿未幾適得其反且嘗以文章風節風天下

門生故吏半負時望一日變作則光沈響寂渺自見者君與
新起民軍半鄂中稔識委蛇其間或可苟免而乃毅然自決
出於懷沙沈石之所爲是誠不欺其志有烈丈夫風矣最錄
大要備紀事者蒐輯且以愧天下之甘受其辱而不死者長
洲章鈺謹表

清誥投資政大夫湖北補用道望祀張先生事略

先生姓張氏諱曾疇字望祀別號潛園世居無錫蓉湖之缸
尖故又號蓉湖散人先世多隱德父諱廷揚官湖北候補巡
檢天性豪邁急人患難緩急若身受粵匪之亂倉卒走避猶
挈戚屬以行生平善行不可一二數知交有困乏者傾囊橐
以濟不足則典質而益之官湖北日以卑官薄祿盡力於施
濟掩埋諸大端聞者敬服以先生貴贈如其官母氏陳多病
先生生七日而母卒故贈公字之曰望祀自幼孱弱不離藥
餌然卒以成立論者謂贈公盛德報也

先生天資穎敏幼好學書邑中秦氏多佳刻每過其下徘徊不能去遇殘碑斷碣必剔藓讀之拈筆爲文華采朗贍年二十爲邑諸生甫釋褐而贈公卒未幾入粵依舅氏榮公俊業於撫署居年餘至武昌時瞿公廷詔篆武昌鹽法道延掌書記署後小園頗饒花木臺榭之勝春日榜楹帖其中督部南皮張公見而異之詢知先生書稱善者再因卽日委督署繕校文案委員是爲受知張公之始

先生早歲隨宦公牘夙所擅長旣入幕府益研求當世之務而小心謹慎不踰繩墨張公雅重其才自吏治軍務以至交涉機宜事無大小咸令參預黎明而入宵分而退日以爲常時或軍務倥偬文書填委往往終日不食終夜不寢如是者十七年勞苦繁蹟之事他人或飾詞委卸而先生從容處置不言勞張公亦謂非先生莫屬也周旋同僚謙而有禮省垣衙署局所以數十計主其事者或委曲卒不得達先生維持

調護羣受其益而先生無德色人不之諒亦不與校其度量如此

先生待人和易然以非義干者不稍稍詞色假有湖南武職某爲人攻訐函巧解救且願以奇石美女爲壽先生嚴詞斥之嘗謂人云某隨督帥十餘年從未受人一錢亦未揭人一短故處切近之地而不至爲恩怨所歸張公晚年或倡南北之說流言及於先生張公察其無他倚任如故然先生自是韜晦益深矣

光緒丁未張公入相以先生隨行居京師兩年優游閒暇時徜徉海王村物色異書摩挲彝鼎以爲極樂張公宏獎風流人爭自效先生受知最深內而曹郎外而道府指顧可得而超然榮觀未嘗干進宣統己酉張公以疾卒事出倉皇百無一具先生經紀喪事夜以繼日至事畢乃已出都之日行囊蕭然獨所珍方正學墨迹獲二百金以行泊如也

護鄂督楊公文駿素重先生名至是招入幕府傾心委任未幾委辦火車貨捐局別積弊恤商困陋規雜費悉以歸公一年比較贏十萬餘貫循例留辦會武漢軍興總督瑞澂棄城走省垣庫儲盡爲民軍所占瑞澂匿兵艦中徵供給貨捐局先生悉索以應局當車站之衝爲礮火所必及或勸徙避不聽不數日員司皆散去丁役汹汹將謀劫奪不得已令眷屬先行而自與同里鄧君傅若及臧獲一人守旣而官軍大至與民軍戰直逼車站先生念無守土之責又局款已解大府死守無益乃入租界展轉達上海居兩月回漢將理局中未了事而民軍邏者偵其後先生遂行至黃石港邏者逼之登岸先生夷然卽夕乘舟西上是時先生方垂髮辮戴紅結帽邏者指以相戲其言有不堪者先生義不受辱遂投江以死時宣統三年十一月初六日也家屬訪先生遺骸得於黃州之團風鎮蓋鄉民見之而瘞於土中者已一月餘矣

先生平居有輕死生齊萬物之志辛亥六月一病幾危病愈而時局益壞則喟然歎息以爲生不如死嘗與鄧君傅若言之黃州舟中其旣至上海而復回漢口也自信無不可告人之處故坦然視爲夷途不以禍福介意先後官鄂二十餘年未嘗一事負人親戚故舊有所請貸雖至疏遠無不立應或疾病顛連則資之醫藥厚加慰問其忠厚待人如是世路險巇人情翻覆當先生致命之日人言藉藉謂有陷害之人在先生固不及料而地坼天崩之際以一死報國家而完大節則先生之心當亦無憾焉已

先生以書法名近世早歲學歐陽率更王少監妍妙道麗往往絕倫中年以後沈酣東坡出入山谷松雪腴潤中含蒼勁之氣大至尋丈小至蠅頭開闔縱斂無不如志張公論書必本小篆謂篆變而隸隸變而楷沿流溯源章法具在故不識篆隸運筆之法不足言書聽政之暇與先生論古今書家正

變析及豪芒先生心摹手追神明變化其精到處雖張公亦自謂弗如也壬辰癸巳以後凡墨迹署張公款者皆出先生手筆江漢之間得片紙隻字競相摹倣謂之帥體嘗一日書壽屏十餘幅而校理公牘酬應賓客無一失誤梁文忠見而歎曰此可謂精敏矣

先生好聚書尤好金石書畫所收有桂未谷阮文達舊藏漢魏碑二十餘種多宋拓本兩入京師得書頗夥集明以來名臣大儒書畫真迹懸之一室取師聖友賢之義顏曰師友堂始入幕府月薪才二十餘金然切用之書見之輒購謂他費可省惟買書不可省以故十餘年間積書數萬卷碑版千餘種法書名畫之精者亦百餘種筦貨釐日所見益廣奇書法物往往雜出其間先生日坐一室日覽手披訂訛考誤悠然有撰述之志屬稿方始而辛亥之變作矣軍鋒旣交倉卒遷徙所攜珍品什無一二三縹囊錦軸盡爲灰燼是可哀也

嘗輯東坡

佚文得數十首皆七集所未載者得手書付印今亦失去

先生始以縣丞候補改知縣歷署湖北布政司照磨布政司庫大使鹽道庫大使迭保同知知府捐升道員加花翎二品頂戴配西夫人以溫恭淑慎聞於戚黨先先生卒繼娶李夫人慈惠賢明四德咸備子二彥成彥達皆能自樹立歲乙卯十二月初二日彥成等葬先生於無錫開原鄉荔枝山之麓先生之卒也年僅四十有五遭時不幸未竟厥施而生平行誼不可無以示後故詮次事實以告世之賢人長德且待史氏之采焉錫許同莘敬述

A large rectangular table with 12 empty columns and a thick black border. The table is oriented vertically on the page. The columns are of equal width and are separated by thin vertical lines. The entire table is enclosed within a thick black rectangular frame.

--	--	--	--	--	--	--	--	--	--	--	--

奏

奏為江蘇辦理捐借尚無擾累情形現已遵
旨通飭地方印委各員確查嚴禁恭摺覆陳仰祈
聖鑒事竊臣等承准軍機大臣字寄光緒二十一年
二月二十五日奉
上諭有人奏江蘇勒借派捐請旨嚴禁並將辦理不

奏為江蘇辦理捐借尚無擾累情形現已遵

旨通飭地方印委各員確查嚴禁恭摺覆陳仰祈

聖鑒事竊臣等承准軍機大臣字寄光緒二十一年

二月二十五日奉

上諭有人奏江蘇勒借派捐請旨嚴禁並將辦理不

善州縣懲處一摺據稱江蘇州縣辦理捐借兩事
於上年冬間各紳商等陸續呈繳款項後現又奉
檄籌辦按括無已有款已交官不准作數勒使重
出者有措繳未齊籤派多差到門守提者有無力
完繳編管家屬者挨戶按查市井騷然等語捐借
紳商款項原係朝廷不得已之舉各疆臣等如能

辦理得宜凡屬食毛踐土之倫無不急公奉上若
如所奏各情騷擾肢削厲民病商殊失始事本意
著張之洞奎俊認真查明果有前項弊端即行從
嚴申禁並將辦理不善之州縣分別懲處總宜妥
籌勸辦仍以固結民心為主不准抑勒苛求藉端
擾累致遭衆怨原摺著鈔給閱看將此由五百里

各諭令知之欽此 臣等跪誦之下惶悚難名當經
欽遵札行兩藩司籌餉局轉飭確查嚴禁並先
准部咨以外省不准按漕糧加捐及房捐宜加
體恤兩條咨行查禁亦經照行司局嚴切查禁
在案茲據江甯藩司瑞璋詳稱前奉行令籌款
濟餉當就甯屬情形酌擬章程三條一飭官員

報效一捐典鋪月息一勸紳富捐輸詳蒙前督

臣劉坤一奏准開辦除官捐本歸自籌典捐係

按架本提繳外其紳富捐一項係經籌餉勸捐

局派員分赴各屬會同地方官以捐獎章程善

為勸導悉聽量力樂輸不准稍涉抑勒從無於

地丁漕糧項下加收之議即蘇屬續奏章程議

提漕糧公費每石五十文亦係取之於官並非
取之於民甯屬因漕糧向徵折色並無公費名
目是以官捐條內州縣亦未曾擬定捐數但屬
其量力竭誠捐助至房捐一節本擬仿照蘇屬
章程試行因體察目前海防多警市廛不甚繁
盛未經舉辦又據江蘇藩司鄧華熙會同籌餉

局詳稱去年十月奉文開辦息借奉派候補道
員汪福安沈玉麒丁兆基周蓮等督飭地方官
紳在四府一州分投勸辦殷實之戶因事屬創
始未解如何歸還之法其初多不願出借經明
白曉譬遂酌量輸借並無違言截至年底止紳
富祇借銀三萬六千八百兩原奏內稱蘇州集

至七十餘萬蓋併官借之九萬與商之二十五萬積穀公款之三十七萬合而言之其實紳富所借並不甚多原奏又稱款已交官不准作數勸使重出查紳士為商民表率勸借必先向商議顧全大局者固自樂從間有不明事體匿而不面或飾詞搪塞動因一二人稽阻致閩邑觀